




PLEIV SOGN GIONS
7180 DIJENTIS/MUSTÉR



Pleiv s. Gions Mustér Rapport da gestiun 2020

Impressum

Editura: Pleiv s. Gions Mustér

Ediziu: 1100 exemplars

Stampa: La Tuatschina, Sedrun

© 2021 Pleiv s. Gions Mustér

Cuviarta: Igl altar dad Ivo Strigel ella baselgia parochiala S. Gions. Declaraziun dil maletg mira p. 16. – G. Tenner, 2020

Remarca: Sche buc auter menziunau, vala la fuorma masculina da persunas era per la feminina.

Invitaziun alla radunonza generala dalla Pleiv s. Gions/Mustér

Venderdis, ils 16 d'avrel 2021 allas 20.15 uras
en halla communal Cons/Mustér

Tractandas:

1. Beinvegns ed elecziun da dus dumbravuschs
2. Protocol dalla radunonza generala dils 13 d'october 2020
3. Rapports:
 - a. dil president dalla pleiv
4. Rapports da quen:
 - a. pervenda s. Gions Mustér
 - b. baselgia s. Gions Mustér
 - c. baselgia s. Bistgaun e s. Roc Segnas
 - d. baselgia s. Antoni Cavardiras
5. Rapport dils revisurs da quen e scarica alla suprastonza
6. Elecziuns:
 - a. ugadessa caplania Cavardiras
 - b. presidentA dil cussegl pastoral
7. Preventivs:
 - a. pervenda s. Gions Mustér
 - b. baselgia s. Gions Mustér
8. Fixaziun dil pei da taglia
9. Casa pervenda: Sanaziun externa, credit
10. Undraziuns
11. Orientaziuns
12. Varia

Suenter la radunonza generala vegn surviu in puschegn, aschinavon che las restricziuns da corona lubeschan. Nus envidein cordialmein Vus a nossa radunonza generala.

Per la suprastonza dalla Pleiv s. Gions/Mustér:

*Il president:
Aldo Tuor*

*Il vicepresidente:
Gion Tenner*

Protocol

dalla radunonza generala dalla Pleiv s.Gions Mustér
mardis, ils 13 d'october 2020 allas 20.15 uras en halla Cons

Gliesta da tractandas:

1. *Beinvegni ed elecziun da dus dumbrauschs*
2. *Approbazium dil protocol dalla radunonza generala dils 5 d'avrel 2019*
3. *Rapports:*
 - a. *dil president dalla pleiv*
 - b. *dalla presidenta dil cussegl pastoral*
4. *Rapports da quen:*
 - a. *pervenda s. Gions Mustér*
 - b. *baselgia s. Gions Mustér*
 - c. *baselgia s. Bistgaun e s. Roc Segnas*
 - d. *baselgia s. Antoni Cavardiras*
5. *Rapport dils revisurs da quen e scarica alla suprastonza*
6. *Elecziuns:*
 - a. *vicepresident ed ugau baselgia Segnas*
 - b. *ugau pervenda*
 - c. *revisur da quen*
7. *Preventivs:*
 - a. *pervenda s. Gions Mustér*
 - b. *baselgia s. Gions Mustér*
8. *Fixaziun dil pei da taglia*
9. *Baselgia S. Gada: Sanaziun dil tetg e sanaziun parziala dalla fatschada: credit*
10. *Undraziuns*
11. *Orientaziuns*
12. *Varia*

1. Beinvegni ed elecziun da dus dumbrauschs

Cun in retard da 6 meins beneventa il president Aldo Tuor rodund 30 parochianas e parochians alla la radunonza generala 2020. Pervia dallas restricziuns en connex cul virus da corona ha la radunonza previda sils 7 d'avrel stuiu vegnir spustada.

In special salid retscheiva nies niev plevon sur Mathew Kurian Vazhakapara. El ei per l'emprema gada presents ad ina radunonza generala. Gia dapi 1 onn e 3 meins eis el en nossa pleiv e nus astgein constatar, ch'el ei sevivius en fetg bein tier nus ed ha spert

anflau igl access tier nossa populaziun. In beinvegni special fa il president era al president communal Robert Cajacob.

Cun ina cuorta oraziun arva nies plevon la radunonza.

L'invitaziun alla hodierna radunonza ei succedida ad uras e tenor la constituziun cun publicaziun el Fegl official dalla vischnaunca dils 2 e dils 9 d'october 2020. Il rapport annual ei vegnius tarmess tier gia el meins da mars a tuttas casadas sin intschess dalla vischnaunca da Mustér. Aschia ei la radunonza habla da decider. La gliesta da tractandas vegn approbada sco presentada.

Sco dumbravuschs vegnan Bruno Tschuor e Bruno Flepp eligi.

2. Approbaziun dil protocol dils 5 d'avrel 2019

Il protocol dalla davosa radunonza generala 2019 vegn approbaus senza midadas cun engraziar alla protocolista.

3. Rapports

a) dil president dalla pleiv

Cun quei ch'il rapport annual dil president ei da leger suenter el rapport da gestiun serestrenscha Aldo Tuor sin entginas paucas explicaziuns.

En in cuort memento seregordan ils presents dils 22 defuncts digl onn 2019. Detti il Segner ad els il ruaus perpeten ed a lur famiglias cunfiert e curascha.

Demissiun da Jacinta Jacomet: La presidenta dil cussegl pastoral, Jacinta Jacomet, ha el decuors dil zercladur 2020 abdicau sco presidenta dil cussegl pastoral e commembra dalla suprastonza dalla pleiv irrevocabel e per immediat. La suprastonza deplorescha fetg sia decisiun. Ella ha fatg buna lavur ed ha giu bia ideas per la lavur el cussegl pastoral. Nus stuein denton acceptar quella decisiun ed il president engrazia a Jacinta per siu grond engaschi e per la lavur prestada en favur dil cussegl pastoral e dalla pleiv s. Gions.

Fiastas ecclesiasticas: Durent la renovaziun dalla baselgia claustrala ils davos dus onns han differentas fiastas ecclesiasticas, che vegnan per ordinari festivadas en claustra, giu liug en baselgia parochiala a s. Gions. Nus havein ensemen cun la cuminonza claustrala buca mo astgau festivar Mater misericordiae, Sogn Placi e Rogaziun federala, mobein era Nadal e Pastgas ed ina messa nuviala comunablamein a s. Gions. Per nus tuts ei quei stau eveniments tut specials che van ella historia dalla pleiv

e vegnan els proxims decennis buca pli a serepeter. Deplorablamein ha la cuminonza claustrala suenter la benedicziun digl altar e la reavertura dalla baselgia claustrala muort las restricziuns en connex cun corona buca saviu festivar sias fiastas sco usitau. Lein sperar ch'ei detti beingleiti ina sligiaziun che lubescha a nus da puspei s'entupar senza restricziuns. La suprastonza ei secunvegnida cun la cuminonza claustrala dad organisar ina gada per onn in s. messa comunabla ella baselgia a s. Gions per aschia saver mantener e promover il bien contact denter claustra e pleiv.

Emprema s. communiun e creisma: Pervia dil "lockdown" han era las fiastas dall'emprema s. communiun e dalla creisma stuiu vegnir spustadas. Nus selegrein ch'igl ei reussiu da prender suenter quellas duas fiastas. L'emprema s. communiun ha giu liug dumengia, ils 4 d'october 2020 e la creisma ha liug prevedentamein dumengia, ils 15 da november 2020. In grond engraziament va allas duas catechetas Corina Defuns ed Olinda Hosang che preparan ils affons per quellas fiastas.

Ina impurtonta incarica dil president ei d'engraziar a tuttas e tuts che s'engaschan en favur dalla pleiv. Specialmein engrazia el a sur Mathew Kurian per siu engaschi pastoral en nossa pleiv. Sco gia menziunau eis el sevivius en fetg bein e nus essan veramein engrazievils da siu engaschi e sia lavur en favur da nossa pleiv, a sur Alexi Manetsch, sur Giusep Venzin ed a decan pader Bruno dalla claustra. Grazia a lur grond engaschi e lur gronda perseveranza eis ei stau pusseivel da mantener in bien survetsch en nossas baselgias entochen l'arrivada dil niev plevon sur Mathew, a sur canoni Pius Venzin e sur Martin Bearth, allas catechetas Olinda, Corina ed al catechet Aluis per l'impurtonta instrucziun religiosa da nos

affons, allas menadras dil Salid dil Segner cun Corina Defuns alla testa, als commembers ed allas commembras dil cussegl pastoral, allas lecturas e gidontras en baselgia, allas calustras a s. Gions, a Segnas, a Cavardiras ed ellas numerusas capluttas sin nies intschess, allas ministrantas ed als ministrants, als chors-baselgia s. Gions e Segnas sco era als organists ed allas organistas gidontras ed als organists gidonters, a mes consuprastonts ed alla secretaria per la buna collaboraziun e lur grond engaschi en favur dalla pleiv, ed a tuttas e tuts che prestan en bia differentas funcziuns ed incaricas ina gronda ed impurtonta lavur per nosa pleiv.

A tuttas e tuts admetta il president en num da tuts in Dieus paghi persruenter.

b) dalla presidenta dil cussegl pastoral
Demai che la presidenta dil Cussegl pastoral ha demissionau il zercladur 2020 per immediat, savein nus mo sebasar sin siu rapport a scret el rapport da gestiun. Nus ponderein ussa en suprastanza co proceder vinavon. Eventualmein eis ei necessari da restructurar l'organisaziun dil Cussegl pastoral. La suprastanza vegn a s'occupar en caussa. En mintga cass astg'ins constatar che nus astgein sebasar sin in tshuppel fideivlas gidontras e fideivels gidonters che nus savein clamar mintgamai cura ch'ei fa basegns. In grond engraziament persruenter a tut quellas gidontras e gidonters.

4. Rapports da quen:

a) pervenda s. Gions

Il quen dalla pervenda siara tier expensas da frs. 429'923.04 ed entradas da frs. 427'101.44 cun in pign surpli d'expensas da frs. 2'821.60. Il capital agen dalla pervenda s. Gions munta a frs. 520'920.64. Igl ugau pervenda Willi Lozza declara en detagl las differentas posiziuns dil

quen da menaschi. Dalla discussiun vegn buca fatg diever.

b) baselgia s. Gions

Il quen dalla Baselgia s. Gions siara tier expensas da frs. 39'666.99 ed entradas da frs. 36'104.50 cun in surpli d'expensas da frs. 3'562.49. Il capital agen dalla baselgia s. Gions munta a frs. 95'284.50. Igl ugau baselgia Romeo Schmed declara en detagl las differentas posiziuns dil quen da menaschi.

c) baselgia Segnas

Il quen dalla baselgia s. Bistgaun e s. Roc a Segnas siara cun expensas da frs. 6'571.60 ed entradas da frs. 5'624.30 cun in surpli d'expensas da frs. 947.30. Il capital agen dalla baselgia a Segnas munta a frs. 232'321.34.

Igl ugau baselgia Gion Tenner declara en detagl las differentas posiziuns dil quen da menaschi. Gion Tenner pren la caschun d'engraziar alla calustra Barla Jacomet e siu consort Mathias. Igl onn 2020 ha la Barla astgau festival 30 onns calustra. Vinavon engrazia el a tuts che s'engaschan sin ina moda ni l'autra per la caplania da Segnas.

20 persunas, cunzun parochians giuvens, ein segidadas duront il temps da corona da porscher in survetsch divin ni devoziuns online. Per quei sustegn spontan engrazia il vicepresidente specialmein. Dalla discussiun vegn buca fatg diever.

d) baselgia Cavardiras

Il quen dalla baselgia s. Antoni a Cavardiras siara tier expensas da frs. 10'374.50 ed entradas da frs. 10'371.61 cun sin surpli d'expensas da frs. 2.89. Il capital agen dalla baselgia a Cavardiras munta a frs. 236'206.89. Lugadessa baselgia Alexa Schuoler declara en detagl las differentas posiziuns dil quen da menaschi. Era Alexa engrazia a sur Mathew, alla calustra Claudia Schmed, als

consuprastonts e tuts quels che segidan sin ina moda e maniera pil beinstar dalla caplania da s. Antoni.

Dalla discussiun vegn buca fatg diever.

5. Rapport dils revisurs da quen e scarica alla suprastonza

Cunquei che omisdus revisurs ein absents questa sera prelegia il president Aldo Tuor lur rapport. Ils revisurs da quen, Pirmin Monn e Claudius Berther, han controllau ils differents quens dalla pleiv sco era tut ils fondos da baselgias e capluttas. Els attestan che tuttas contabilitads seigien menadas bein ed en uorden.

Sin proposta dils revisurs decida la radunonza generala unanimamein

1. d'approbar ils quens administrativs e las bilanzas dalla pervenda, dalla baselgia parochiala s. Gions, dallas caplanias Segnas e Cavardiras sco era ils quens dils fondos da baselgias e capluttas
2. da dar scarica alla suprastonza ed als funcziunaris
3. d'exprimer in meritau engraziament alla suprastonza, als augegners ed a tuttas ugedessas/tuts ugaus per lur nunstunclenteivel engaschi.

6. Elecziuns

Ils commembers da suprastonza vegnan elegi en in turnus, aschia crodan ils temps d'uffeci tier las differentas funcziuns buca ensemen. Uonn stattan en elecziun il vicepresident ed igl ugau pervenda sco era in revisur da quen.

a) vicepresident

Gion Tenner ei dapi 2014 vicepresident e representant dalla caplania da Segnas en suprastonza. Ugau baselgia a Segnas eis el gia dapi 2005. El ha in'impurtonta funcziun tier nus, eis el gie il specialist digital ed ussa el temps da corona nies expert, demai ch'el fa part dil

stab da crisa communal. Il Gion ei sedeclaraus prompts da star vinavon a disposiziun. Gion Tenner vegn reelegius unanimamein cun in grond applaus. Il president gratulescha ed engrazia ad el per il grond engaschi e la buna collaboraziun.

b) ugau pervenda

Willi Lozza ei dapi 1999 commember dalla suprastonza en la funcziun dad ugau pervenda. Era Willi ei sedeclaraus prompts da star vinavon a disposiziun. Era igl ugau pervenda presta gronda lavur en favur dalla pleiv e sco responsabel per finanzas ed immobilias vegn el a sefatschenar proximamein cun la renovaziun externa dalla casa pervenda. Willi Lozza vegn reelegius unanimamein cun in grond applaus. Il president gratulescha ed engrazia ad el per siu grond engaschi e la buna collaboraziun.

c) revisur da quen

Claudius Berther ei vegnius eligius avon 3 onns en la funcziun da revisur da quen. El ademplescha quella funcziun cun premura e capientscha e mereta nies engraziament per sia lavur. Oz stat el en reelecziun per in'ulteriura perioda d'uffeci. Claudius Berther vegn reelegius unanimamein cun in grond applaus. Il president gratulescha ed engrazia era ad el per sia lavur en favur dalla pleiv.

7. Preventivs

a) pervenda s. Gions

Il preventiv dalla pervenda prevesa tier expensas da frs. 375'700.00 ed entradas da frs. 378'200.00 in surpli d'entras da frs. 2'500.00. Il preventiv cuntegn ina reserva per la sanaziun dalla casa pervenda egl import da frs. 18'000.00.

b) baselgia s. Gions

Il preventiv dalla baselgia s. Gions prevesa tier expensas da frs. 52'000.00 ed entradas

da frs. 35'000.00 in surpli d'expensas da frs. 17'000.00.

Igl ugau baselgia informescha, ch'ei seigi necessari da far certas reparaturas vid ils mirs dalla baselgia. Quella lavur ei vegnida surdada ad ina firma specialisada. Davos e dretg e seniester digl altar ein ils mirs vegni muschs e ston vegnir schigientai e renovai.

La posiziun unfrendas vegn segir a curdar ora pli mudesta muort il coronavirus.

8. Fixaziun dil pei da taglia

Sin fundament dils preventivs presentai propona la suprastonza da mantener il pei da taglia per 2021 sco tochen dacheu sin 12 % dalla taglia cantunala semplia.

La radunonza generala approbescha ils preventivs dalla pervenda e dalla baselgia s. Gions e fixescha il pei da taglia per 2021 sin 12 %.

9. Baselgia s. Gada: Sanaziun dil tetg e sanaziun parziala dalla fatschada: Credit

Gia dapi plirs onns sefatschenta la suprastonza dalla pleiv cun il tetg dalla baselgia da s. Gada. El decuors dils davos onns ha il tetg pitiu grondamein, aschia che nus havein stuii schar far enzacontas reparaturas per evitar donns vid il tetg sco era vid igl intern dalla caplutta da s. Gada. Ussa ei ina sanaziun cumpleina dil tetg da slondas inevitabla.

La caplutta da s. Gada ch'ei vegnida baghegiada entuorn igl onn 1100 en honor da sontga Agatha sesanfla en in bellezza liug e vegn visitada durent igl entir onn ora dad in grond diember da personas indigenas. Era nos hosps prendan bugen investa da quella caplutta tut appartia. Quei liug sco era la caplutta da s. Gada vegnan apprezzadas grondamein da tut quellas personas che fan leu ina viseta. Medemamein vegn la caplutta da s. Gada aunc ozildi nezegiada regularmein per messas, nozzas sco era battens. Ord tut quels motivs eis

ei noss'obligaziun da mantener quella bellezza caplutta ch'ella stetti era vinavon a disposiziun per bialas occurrenzas e visetas. Muort la gronda impurtonza dalla caplutta da s. Gada per igl entir maletg cultural dalla vischnaunca da Mustér ei era la tgira da monuments dil cantun Grischun stada prompta da sustener la sanaziun dil tetg dalla caplutta da s. Gada. La davosa restauraziun dil tetg da slondas ei succedida egl onn 1979 ed ha aschia teniu ils davos 40 onns.

Gl'onn vargau ha la suprastonza dalla pleiv s. Gions decidiu definitivamein dad instradar la restauraziun dil tetg da slondas dalla caplutta da s. Gada. Quella restauraziun dil tetg ei absolutamein necessaria, lein nus era egl avegnir mantener la substanza da quei impurtont edifices. Aschia havein nus incaricau igl architect Michelle Vassella da Cuera ch'ei sespecialisau cun restauraziuns da baselgias e capluttas egl entir cantun Grischun d'elaborar in project per la restauraziun dil tetg da slondas dalla caplutta da s. Gada. Signur Vassella ha lu cussegliau da far ina sanaziun cumpletta dil tetg e da buca mo far las reparaturas las pli urgentas. Cun la restauraziun previda sa vegnir garantiu ch'il tetg tegni puspei ils proxims 50 – 60 onns.

Il december 2019 ha la suprastonza dalla pleiv s. Gions concediu il credit necessari. Ei era previu da suttametter la damonda da credit alla radunonza generala dalla pleiv s. Gions dils 17 d'avrel 2020. Ord motivs a nus tuts enconuschents ha la radunonza stuiu vegnir spustada sin oz.

Ils cuosts totals per la restauraziun dil tetg muntan a frs. 286'466.--. La tgira da monuments dil cantun Grischun surpren ina contribuziun maximala da 35 %, pia la summa da frs. 100'260.--. Ei resta al fondo in import da frs. 186'000.- che sto vegnir concedius sco credit net. Ulteriuramein eis ei gia vegniu fatg damondas ad instituziuns ed a vischins per

recaltgar la summa da frs. 35'000.-. Finamira fuss d'engreviar il fondo cun buca pli che frs. 150'000.-. La sanaziun dil tetg vegn ad haver liug l'auter onn schi baul sco pusseivel. Cunquei ch'igl ei ina baselgia da gronda muntada ed in monument che vala da mantener schi bein sco pusseivel vala ei la peina da sanar il tetg sco previu.

Negin che pren il plaid ed il credit net da frs. 186'000.- vegn approbaus dils presents unanimamein. Il president engrazia zun fetg per la generusadad dils parochians presents.

10. Undraziuns

En siu rapport ha il president menziunau ch'igl agid da biaras e biars ei necessaris per che la pleiv sappi ademplir sias incaricas. In grond engaschi da dunnas ed umens ei indispensabels pil beinstar dalla cuminonza cristiana en nossa pleiv. Tut quellas gidontras e quels gidonters meretan nies grond engraziament. Uonn astga la pleiv honorar sis persunas ed engraziar ad ellas per tut ils survetschs prestai en favur dalla pleiv. Igl ein quei :

Jacinta Jacomet: 2 onns presidenta dil cussegl pastoral

Laurenzia Schnoz: 19 onns commembra dil cussegl pastoral

Angelina Tschuor: 6 onns commembra dil cussegl pastoral

Tiburzia Giger: 12 onns lectura a Segnas

Rosa Huonder: parter ora la s. communium a Segnas

Toni Caviezel: 40 onns purtau cafanun da processions

Mintga honorada e honorau retscheiva in present ed igl engraziament dalla pleiv. Als buca presents vegn il present purtaus a casa.

11. Orientaziuns

Ils 22 da november a caschun dalla fiasta da Cristus Retg vegn priu si en baselgia ina collecta en favur dalla diözesa Puttur danunder

che nies plevon sur Mathew deriva. Quella regiun e l'entira India ein vegnidas tuccada fermamein dil coronavirus e la populaziun pitescha grondamein da quella situaziun. En num dalla suprastonza recamonda il president fermamein quella collecta alla beinvuglientscha dils parochians.

Nova procedura tier sepulturas: Sin fundament dalla situaziun da corona vegnan la bara ni l'urna mintgamai plazzai ina mes'ura avon il survetsch divin funeral en baselgia avon igl altar. Ils parents san lu restar els bauns, ils participonts alla sepultura san dar l'aua benedida (buc pusseivel duront il temps da corona) davontier en baselgia. Quella procedura duei era suenter la crisa da corona restar vinavon.

La substituta dalla calustra Claudia Schmed da Cavardiras ha abdicau silla fin digl onn 2020. Sco successura havein nus anflau dunna Riccarda Flury ch'ei gia engaschada pil schubergiar la baselgia s. Gions.

Luncziun dils malsauns communabla previda pigl october ha buca liug, sin giavisch viseta sur Mathew singuls parochians a casa.

12. Varia

Sur Mathew pren sut varia il plaid. Dapi 15 meins eis el a Mustér. El seigi vegnius retscharts cordialmein da tuts ed engrazia alla suprastonza per tut sustegn e tutta beinvuglientscha. El engrazia era als catechets per lur sustegn. A parochianas e parochians di el:

“Jeu sun cheu – perquei che vus, cars parochians, essas cheu.” El engrazia a tuts per la buna accoglientscha e spera che nus tutas e tuts sappien viver ina biala cuminonza da pleiv.

Dunna Edith Bass ha contemplau a caschun dalla davosa processiu da s. Gions il “cafanun mellen”. Il maletg muossi ina dunna che vegni barschada. Quei maletg hagi muentau

e fatschentau ella fetg. Ella supplichescha la suprastonza da ponderar schebein ins astgi aunc ir a processiun cun da quels cafanuns.

Bruno Flepp damonda suenter las lavurs en santeri che succedan gest el mument. Demai ch'il santeri ei caussa dalla vischnaunca, sa il president communal present informar: Ins seigi vidlunder da sanar la fossa communabla, quei sin fundament da reclamaziuns da parochians en pleiv. La fossa plaschevi buc a tuts, ella secumporti buca cun siu contuorn e fetschi buc ina buna pareta en nies santeri. In anteriur convischin ha empermess ina donaziun per la miglior dalla fossa communabla. Antonio Di Bella ha creau in monument niev. Il plaz per las fossas ed urnas ei limitaus, perquei sto il santeri

vegnir partius en da niev. Cun quella caschun vegnan fatgas entginas remeduras dalla vart nord dalla baselgia. Sils 1 da november duess la fossa communabla esser finida e lu hagi liug la benedicziun dalla fossa.

Allas 21.30 uras siara il president Aldo Tuor la radunonza generala 2020 e giavischa als presents in bien retuorn a casa. Muort las restricziuns da corona vegn uonn desistiu dil puschegn tradiziunal.

Mustér, meiz october 2020

Pil protocol:

Jris Lombris



Rapport dil president

Preziadas parochianas, preziai parochians
Igl onn 2020 vegnin nus aunc ditg a tener en tut speciala memoria. In onn extraordinari, in onn che ha mess e metta vinavon nus sin emprova. En miu davos rapport hai jeu menziunau che nus vivien en in temps fetg malruasseivel. Sigl entir mund piteschien carstgauns dad uiaras, da conflicts etnics, d'inundaziuns, da barschaments ni da tiaratriembels. Aunc mai hagi ei dau tons persecutai pervia da religiun ni cardientscha. Tgi pomai havess avon in onn sminau ch'in pign virus malign possi crear tons problems sigl entir mund. Corona ha scurlau nossa societad da camifò, la pandemia ha provocau enormas midadas socialas ed economicas. Tgei ch'il virus da corona ha propi effectuaed ed effectuescha vinavon davart nos senns, ei aunc nunenconuschent e nus savein era buca sche nies sedepurtar ha fatg ina midada persistenta. Il virus ha denton midau bia.

Era nossa pleiv ei vegnida scurlada pulitamein. El meins da fevrer han las autoritads federalas decretau las empremas restricziuns. Ils 13 da mars vein nus lu stuiu comunicar el Fegl ufficial che las baselgias stoppien vegnir serradas silmeins entochen la fin avrel. Quei ha giu per consequenza ch'entginas fiastas grondas, sco sogn Giusep, dumengia da palmas e Pastgas ein curdadas. Cun l'entschatta matg ein las baselgias puspei vegnidadas aviartas, denton cun grondas restricziuns. Quellas mesiras da schurmetg ein aunc oz valeivlas e negin sa con ditg che quella pandemia cuoza aunc.

Sper las grevezias e malsegirtads ha il Covid-19 denton era procurau per buna convivenza. Aschia vein nus da differentas varts astgau retscheiver gronda solidaritad. Nus essan vegni pertscharts ch'igl ei necessari da dar dapli peisa a certas valetas, essan cheutras

vegni pli engrazievels e pli mudests. Lein sperar che las mesiras da schurmetg ed il niev vaccun encunter il virus portien anavos a nus el decuors digl onn 2021 la pusseivladad d'ina veta libra e sociala sco avon corona.

Bugen less jeu en miu rapport annual menziunar entgins fatgs specials. Las restricziuns en connex cun la pandemia han giu gronds effects davart las activitads en nossa pleiv.

La pastoraziun

Nies plevon administratur sur Mathew Kurian ei ussa dapi in onn e miez en uffeci. Cun grond plascher astgein nus constatar ch'el ei sevivius en fetg bein tier nus ed ha spert anflau access a nossa populaziun. La situaziun da corona malemperneivla ha en scadin cass buca levgiu la lavur da pastoraziun.

Per ulivar las restricziuns da presents en baselgia vein nus augmentau la purschida da survetschs divins. Plinavon viseta sur Mathew mintg'jamna la Casa Puntreis e celebrescha il survetsch divin en caplutta.

Statistica

Egl onn vargau vein nus registrau 9 battens e 3 nozzas. 15 affons han astgau retscheiver l'emprema communiun.

Nos morts

Igl ei il cuors dil mund che la legria e la tristezia secruschan. Aschia vein nus stuiu surdar 22 commembras e commembers da nossa pleiv al santeri da s. Gions. Igl ei mintgamai ina dira frida per ils pertuccai da stuer piarder in carstgaun ch'ins ha bugen. Il Segner detti a tut ils cars defuncts il ruau perpeten e consoleschi las famiglias en malencurada.

Nossa pleiv pren adina profundamein art e part dalla dolor dallas famiglias en malencurada cun ina gronda presenza allas sepulturas.


Muort las restricziuns en connex cul virus da corona han las sepulturas giu liug mintgamai mo el stretg ravugl dalla famiglia. Ei ha fatg mal a biaras e biars da buca astgar accumpagnar nos trapassai alla fossa.

Albert Berther - Durschei
(30-09-1929 - 08-01-2020)



Albert Berther ei staus organist a Segnas ils onns 1966 entochen 1994. Els onns 1983 entochen 1992 ha el era sunau l'orgla ella baselgia da s. Antoni a Cavardiras. Dasperas ha Albert Berther dirigiu il Chor Baselgia Segnas durant 33 onns ed ei durant 36 onns era staus actuar dalla Caplania da Segnas: En tut in impressiunont engaschi en favur dalla Caplania da Segnas e dalla Pleiv s. Gions. Ina gronda part da sia veta ha Albert Berther dedicau alla musica ed al cant sacral ed embelliu nundumbreviels survetschs divins. Per quei engaschi mereta el nies respect e nies engraziament. Nus essan perschuaedi che Niessegner vegn a tener quen da tut las bunas ovras fatgas cheu sin tiara.

Mario Gadola – Seglio
(27-05-1935 - 01-04-2020)



Els onns 1981 entochen 1990 ha Mario Gadola tgamunau cun gronda premura e bien maun las finanzas dalla Pleiv s. Gions en la funcziun dad ugau-pervenda e vicepresident. Durant buca meins che 24 onns ha el dasperas aunc tgirau igl archiv da nossa pleiv. Cun gronda premura e bien maun ha el registrau documents e cudischs impurtonts per la historia dalla pleiv. Mario Gadola ei era staus commember dil chor baselgia ed ei leu vegnius numnaus commember d'honor. Per tut siu engaschi en favur da pleiv e communitad engraziein nus da cor. Detti Dieus ad el il ruaus perpeten.

Instrucziun religiusa

Sco mintg'onn less jeu danovamein menziunar l'impurtonza da l'instrucziun religiusa da nos affons. Els ein vegni instrui da:

- | | |
|---------------|--------------------------|
| Corina Defuns | 1. – 4. classa primara |
| Olinda Hosang | 5. – 6. classa primara |
| Aluis Hosang | 1. – 3. classa superiura |

Il catechet e las catechetas prestan ina gronda ed impurtonta lavur cun porscher a nos affons ina buna basa fundamentala da nossa cardientscha. In grond engraziament ad els per quei grond e zun impurtont engaschi.

Fiastas ecclesiasticas - Survetschs divins online

En consequenza dallas restricziuns da corona vein nus stuiu desister uonn da quasi tuttas fiastas ecclesiasticas. La primavera, sunter la serrada, han autras restricziuns (max. 50 persunas presentas en baselgia) buca lubiu da s'entupar a caschun da nossas fiastas grondas. Nos premcommunicants han buca astgau retscheiver l'emprema communiun da Dumenigia alva. Legreivlamein vein nus saviu cumpensar quella fiasta el meins d'october. Medemamein han era ils affons dalla 6avla classa buca saviu retscheiver la creisma gliendisdis Tschuncheismas, muort la pandemia. Nus vein empruau da cumpensar la fiasta dalla creisma il november, mo cun 18 confirmands ed in diember da maximal 50 persunas en baselgia, ei quei buca stau pusseivel. Lein sperar, che nus sappien celebrar

quella impurtonta fiasta el decuors digl onn 2021. Era las ulteriuras grondas fiastas da s. Giusep, da Pastgas, da Tschuncheismas, s. Gion Battesta e Nadal vein nus uonn buca saviu festivar sco usitau u muort la serrada ni muort las restricziuns da max. 50 persunas en baselgia.

Per buca piarder il contact cun nossas parochianas e nos parochians ha la pleiv purschiu survetschs divins via internet. Sin la website dalla pleiv han els adina puspei saviu perseguitar survetschs divins, celebrai da nies plevon sur Mathew ni da sur Alexi. Quella purschida ei stada pusseivla grazia ad in grond engaschi da nies vicepresidente Gion Tenner, ensemen cun ina gruppa da gidontras e gidonters. Da quella purschida ei era vegniu fatg grondamein diever. Al vicepresidente Gion Tenner ed a tuttas e tuts che ein segidai cun el, schein nus in grond Dieus paghi.

La pagina d'internet dalla pleiv ei in impurtont instrument per saver comunicar a moda digitala cun nossas parochianas e nos parochians. Con impurtonta che quella homepage ei e con savens ch'ella vegn nezegiada, muossan las suondontas cefras



impressiunontas. Igl onn vargau eis ei stau 43'339 persunas che han visitau 168'354 paginas, ca. 22'000 han mintgamai mirau tgi ch'ei miert, ca. 7'000 han consultau igl urari dils survetschs divins, rodund 350 persunas han persequitau il survetsch divin da Pastgas e ca. 450 persunas il survetsch divin da Nadal. Era sch'ins sto deducir in pulit diember da visitaders (hackers ni da quels ch'enqueran enzatgei auter), semuossa l'impurtonza ed il nez dalla pagina d'internet dalla pleiv eclatantamein.

Demission Claudio Simonet

Cun la fin digl onn ha nies organist Claudio Simonet abdicau sco organist principal da nossa pleiv. Sco successur digl anteriur organist Giusep Huonder ha el surpriu egl onn 1998 quei impurtont uffeci d'organist a s. Gions. Duront 22 onns ha el embelliu nundumbreivels survetschs divins ed accumpignau il chor baselgia cun la regina dils instruments. Entras sias grondas habilitads ha igl organist diplomau adina puspei delectau ils visitaders e creau ina tut speciala atmosfera en baselgia. Nus giavischein ad el en sia nova funcziun sco organist principal e dirigent dil Chor baselgia Sedrun bia satisfacziun.

Legreivlamein sa nossa pleiv sebasar sin organists ed organistas gidontras, aschia che l'orgla a s. Gions vegn era els proxims onns ad accumpignar ils survetschs divins.

Cussegl pastoral

La presidenta dil cussegl pastoral, Jacinta Jacomet, ha el decuors dil zercladur 2020 abdicau sco presidenta dil cussegl pastoral e commembra dalla suprastanza dalla pleiv per immediat. La suprastanza deplorescha fetg sia decisiun. Ella ha fatg buna lavur ed ha giu bia ideas pertuocent la lavur el cussegl pastoral. Nus stuein denton acceptar quella decisiun ed engraziein alla Jacinta per siu grond engaschi

e per la lavur prestada en favur dil cussegl pastoral e dalla Pleiv s. Gions.

Il presidi dil cussegl pastoral ei aunc adina pendants. Nus essan pertscharts ch'ei vegn buca ad esser sempel d'anflar ina successura ni in successur. La suprastanza tscherca ina slihaziun per reorganisar la structura dil cussegl pastoral. Muort la situaziun actuala ha il cussegl pastoral stuiu desister uonn da quasi tutas acziuns e da tuts arranschaments.

Diversas informaziuns

Igl εμπrem da zercladur 2020 ha sur Pius Venzin, anteriur caplon da Segnas, astgau festivar en buna sanadad siu 90avel di da naschientscha. En num dalla Pleiv s. Gions ha la suprastanza gratulau al giubilar e giavischau ad el vinavon in emperneivel temps da ruaus, da cuntentientscha e la benedicziun dil Segner.

La suprastanza secumpona actualmein da 5 commembers. Tenor la constituziun secumpona la suprastanza da 7 commembers. Actualmein maunca il president/la presidenta dil cussegl pastoral sco era in actuar/actuara. Il diember da commembers ei buca decisiv, impurtont ei che las incaricas surdadas alla pleiv sappien vegnir exequidas. En mintga cass fuss ei impurtont e necessari d'anflar silmeins aunc ina persuna che surpren las incaricas dil cussegl pastoral.

La substituta dalla calustra a Sogn Gions, Claudia Schmed, ha abdicau sin la fin digl onn. Nus engraziein per siu engaschi e per la lavur prestada sco calustra substituta. Sco successura ha la suprastanza saviu eleger dunna Riccarda Flury-Casanova.

Engraziament

Dad engraziar vein nus a biars e biaras denter Vus, preziadas parochianas e parochians. Nus engraziein che Vus prendeis art e part dalla veta dalla pleiv e che Vus veis giu capientscha per las

decisiuns necessarias en connex cun corona. In zun grond Dieus paghi a tut quellas e tut quels che han fatg dil bien a nosa cuminonza en ina moda ni l'otra. Gest el temps actual ei in tal engaschi impurtonts e demuossa che nus lein esser ina cuminonza da cristians e da carstgauns che segidan vicendeivlamein.

In special engraziament exprimn nus a nies niev plevon administratur, sur Mathew Kurian, sco era als plevons pensiunai sur Alexi Manetsch, sur Giusep Venzin, sur Martin Bearth sco era a sur canoni Pius Venzin. In engraziel fetg era alla venerabla claustra pigl agid e la buna collaboraziun. In grond engraziament meretan catechetas e catechets per l'instrucziun religiusa da nos affons. Plinavon engraziein nus a tuts gidonters e tuttas gidontras dil cussegl pastoral sco era allas lecturas ed als ordinaturs

da sepultura. Nies engraziament e nosa renconuschientscha va era allas calustras, als organists, als chors baselgia, ad ugadessas ed ugaus-baselgia da nosas capluttas ed a tuttas e tuts che han contribuui al beinstar da nosa pleiv. In engraziel fetg va era als commembers da suprastonza sco era alla secretaria per lur agid e lur grond engaschi.

Lein sperar che nies stadi e nosa societad anflien ton pli spert ina via per tener a mistregn quei virus malign. A nus tuts giavischel per igl onn vegnent sanadad, cuntentientscha e la benedicziun dil Tutpussent.

Mustér, fevrer 2021

Per la suprastonza dalla pleiv

Aldo Tuor, president





Rapport dalla gruppja „Salid dil Segner“

„Davon e davos has ti tschinclau mei, has mess tiu maun sin mei“.

Quels plaids ord il psalm 139,5 ein stai el center dallas devoziuns dil Salid dil Segner.

Cun in concept da segirtad, muort l'epidemia da corona e cun il consentiment ed il sustegn dalla suprastonza dalla pleiv, havein nus salvau las devoziuns da niev ella halla Cons ch'ei bia pli spaziusa che l'aula.

Ell'emprema devoziun dils 6 da settember ei in grond maun che simbolisescha il maun dil Bab en tschiel staus enamiez il rudi d'affons. Ils affons han creau lur agen maun ord pupi e tschentau quel el maun grond fagend patratgs surlunder co nus savein survir al Bab en tschiel cun nos mauns.

Loraziun «Maun en maun cun tei», la canzun «Dieus ha il mund entir enta maun» e la historia da Jesus che benedescha ils affons han accumpignau nus tras la devoziun. Alla fin dalla devoziun han ils premcommunicants retschert sco regal da cumiau il plumatsch dil Salid dil Segner.

Ella s'entupada digl october ein ils affons sefatschentai cun la historia dil semnader che raquenta co il sem po madirar e crescher meglier ni mender tut tenor sin tgei terren ch'el croda. Nus havein fatg la punt tier pign e grond, tier tuts che vulan esser in bien terren per il sem dil Bab en tschiel. Quei sem ch'ei nuot auter che siu plaid che nus savein leger ella Bibla. Da quei plaid astgein nus selegrar e nus vulein esser engrazievels persuerter sco per la buna raccolta che la tiara porta mintg'onn a nus.

Nossa tiarza devoziun che havess giu liug igl emprem da november havein nus annullau muort la situaziun da corona. Enstagl da festivar la devoziun d'advent havein nus regalau als affons ina glisch, in glas decorau cun lien ina candeila ed in bien patratg che vegneva

veseivels cu la tschera dalla candeila daventava liquida.

La devoziun preveda per l'entschatta da schaner ha buca giu liug. La devoziun dil fevrer ei vegnida stuschada sin ils 21 da fevrer e la devoziun per Dumengia da Palmas vegn salvada ils 28 da mars. Cun tut quellas mesiras e midadas essan nus sespruadas da suandar ils cussegls e las perscripziuns dallas autoritads. Sin nosa pagina www.saliddilsegner.ch san ins s'informar davart nosa gruppja da preparaziun, davart l'organisaziun ed ils datums dallas devoziuns. Plinavon san ins contemplar leu fotografias da nossas activitads.

Nus engraziein alla suprastonza dalla pleiv, alla secretaria ed a nies plevon sur Mathew per il sustegn e la confidanza. Da cor engraziein nus a tuts geniturs che accumpognan lur affons allas devoziuns.

*Per la gruppja dil Salid dil Segner
Corina Defuns.*

Informaziuns: www.saliddilsegner.ch



Igl altar dad Ivo Strigel ella baselgia parochiala s. Gions

Ivo Strigel, il scaffider da nies altar gothic en caplutta laterala dalla baselgia parochiala, deriva da Memmingen en Bavaria ed ha viviu denter 1430 – 1516.

La stad vargada ha ina gruppa da students d'art dall'Universitad da Berna priu in'investa detagliada dall'ovra. Special vid igl altar en nosa baselgia, ch'ei dil reminent vegnius construius 1489, ei ch'ei setracta d'ina dallas paucas ovras nua ch'il capo artist ha signau sia ovra.

Sco quei che professoressa Karolina Soppa ha saviu relatar ein buca tuttas parts originalas. Igl ei enconuschent ch'igl altar ha stuii midar pliras gadas plaz. Cheutras ein parts vegnidas donnegiadas, autras ein vegnidas allontanadas ni aschuntadas. Tuttina setracta ei d'ina ovra singulara da fetg gronda impurtonza artistica e historica. Sin cussegl da signura Soppa vegnin nus a schar controllar igl altar entras in restauratur per fixar entgins donns caschunai entras la vegliadetgna. Malgrad quels atesta l'experta il bien stan dall'ovra e lauda las cundiziuns ella caplutta. Detagls davart igl altar anfleis Vus sin nosa pagina d'internet.

La fotografia da cuviarta muossa Maria cugl affon Jesus, da vart seniastra sontga Madleina e da vart dretga sogn Bistgaun.

Quen dalla pervenda s. Gions per 2020

Expensas	31-12-20	31-12-19
Salaris pleiv Mustér	254'562.00	229'317.04
Salaris augsegners	80'904.00	41'422.50
Salaris persunal gidonter	80'196.00	67'093.90
Substituziuns	1'050.00	19'896.00
Ductrina	41'401.70	57'831.69
Fotocopias scola, Mustér	606.60	404.65
Giuventetgna Cadi	13'367.40	13'367.40
SVS assicuranza sociala	13'332.45	9'397.35
Indemnisaziun suprastonza	9'830.00	10'520.00
Segiradas d'accident	2'543.45	1'680.15
Cassa da pensiun	8'930.40	5'303.40
Indemnisaziuns da viadis	2'400.00	2'400.00
Taglia alla fontauna		
Contribuziuns	22'100.00	18'021.00
Diversas contribuziuns	10'100.00	4'521.00
Baselgia s. Gions	8'000.00	8'000.00
Cussegl pastoral	4'000.00	4'000.00
Instituziuns culturalas		1'500.00
Casas pervenda/schischom	72'427.90	131'129.35
Manteniment	350.00	
Taxas annualas	1'295.25	1'239.30
Manteniment indrez	1'720.25	1'202.00
Electricidad casa pervenda	604.40	440.50
Ieli casa pervenda	2'486.50	3'082.00
Segiradas casa pervenda	924.60	923.10
Segiradas schischom	46.90	46.70
Renovaziun casa pervenda	65'000.00	124'195.75
Caplania Segnas	24'593.00	23'482.30
Salaris persunal gidonter	22'192.30	20'736.50
Taxas annualas	751.45	743.20
SVS assicuranza sociala	787.15	679.90
Segiradas d'accident	84.60	96.50
Segiradas casa pervenda	657.50	656.05
Manteniment casa pervenda	120.00	570.15
Caplania Cavardiras	14'892.50	13'753.35
Salaris persunal gidonter	10'034.15	11'020.75
Taxas annualas	648.60	508.80
SVS assicuranza sociala	61.95	61.85
Segiradas d'accident	62.00	47.55
Segiradas casa pervenda	211.55	210.50
Manteniment casa pervenda		406.60

Expensas	31-12-20	31-12-19
Electricidad e manteniment tualetta		1'497.30
Taxa da hosps e taxa da turissem	428.00	
Taxas da colligiazioni alla serenera	3'446.25	
Diversa	15'968.19	14'220.00
Material da biro	1'039.05	683.85
Apparaturas da biro	958.00	
Indrez da fotocopiar	1'464.65	1'493.85
Access internet	1'226.75	1'278.05
Spesas da banca	141.78	138.40
Telefon	650.00	600.00
Francaturas, porto	565.80	665.00
Divers regals / occurrenz	2'992.00	1'924.40
Donaziuns		1'300.00
Rapport annual	2'688.00	2'388.00
Archiv	711.00	810.00
Radunonza generala	240.00	1'178.85
Diversas expensas	1'115.10	1'681.60
Taxas radio e televisiun	78.00	78.00
Manteniment baselgia Sogn Placi	2'342.30	
Via Sogn Gions perimeter	-244.24	
Total expensas	404'543.59	429'923.04
Entradas		
Taglias / contribuziuns	404'425.40	397'491.85
Taglia pleiv	309'551.15	305'063.90
Baselgia catolica dil cantun Grischun	64'219.00	60'709.00
Taglia alla fontauna cantun Grischun	30'655.25	31'718.95
Tscheins	2'826.70	29'609.59
Tscheins activs	229.00	235.34
Tscheins casa pervenda Cavardiras	1'750.00	3'600.00
Tscheins schischom	638.00	638.00
Sligiazioni reserva casa pervenda		25'000.00
Diversas entradas	209.70	136.25
Total entradas	407'252.10	427'101.44
Total expensas	404'543.59	429'923.04
Total entradas	407'252.10	427'101.44
Surpli entradas/expensas	2'708.51	-2'821.60

Bilanza dils 31 da december 2020

Activas	31-12-20	31-12-19
Total mieds finanziaals	590'751.90	531'726.64
Contocurrents	188'617.23	147'226.82
Contos da spargn	383.426.27	383'202.32
Assegn Banca Raiffeisen Cadi	200.00	200.00
Emprest sur Mathew	18'500.00	
Taglia anticipada	8.40	4.20
Activas transitoricas		1'093.30
Total mieds administrativs	6.00	6.00
Casa pervenda	1.00	1.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
Total activas	590'757.90	531'732.64
Passivas		
Total capital jester	69'950.35	13'633.60
Passivas transitoricas	69'950.35	13'633.60
Total capital agen	520'807.55	520'920.64
Capital agen	518'099.04	520'920.64
Reserva casa pervenda		
Sperdita/gudogn	2'708.51	-2'821.60
Total passivas	590'757.90	531'732.64

Mustér, ils 6 da schaner 2021

ugau pervenda

Willi Lozza

Quen dalla baselgia parochiala s. Gions 2020

Expensas	31-12-20	31-12-19
Uorden per il survetsch divin	1'690.90	2'789.54
Embelliment dalla baselgia (flurs, candeilas)	540.00	4'000.00
Assicuranza da baghetgs	2'870.50	2'856.45
Assicuranza digl inventar	2'538.10	2'538.10
Energia, scaldament, glisch	8'186.10	8'043.25
Cudischs	360.50	205.00
Publicaziuns Fegl uffical etc.	1'153.45	1'240.70
Abonnaments per man. d'apparaturas	482.15	1'246.10
Divers quens da reparaturas e manteniment	17'354.80	7'421.25
Honorar ordinaturs	1'920.00	1'280.00
Contribuziun ministrants	113.05	500.00
Contribuziun chor baselgia	2'000.00	2'000.00
Taxas da rumians, canalisaziun ed aua	1'524.25	2'202.75
Tscheins per il local a Sut Gliendas	3'000.00	3'000.00
Diversas expensas	130.00	300.00
Spesas da banca, portos	112.55	43.85
Total expensas	43'976.35	39'666.99
Entradas		
Unfrendas	6'236.85	16'694.50
Donaziuns	189.30	30.00
Contribuziun pleiv s. Gions	8'000.00	8'000.00
Contribuziun fondo messas fundadas	10'000.00	10'000.00
Diever baselgia, concerts etc.	0.00	200.00
Tscheins dretg alp Cristallina	250.00	250.00
Vendita cudischs	10.00	30.00
Diversas entradas	65.51	0.00
Restituziun taglia anticipada	315.00	315.00
Tscheins capital	782.85	585.00
Total entradas	25'849.51	36'104.50
Total entradas	25'849.51	36'104.50
Total expensas	43'976.35	39'666.99
Surpli expensas	-18'126.84	-3'562.49

Bilanza per ils 31 da december 2020

Activas			31-12-20	31-12-19
Conto current nr. 11079.72			77'157.66	65'284.50
Daner a termin nr. 11079.20/1640	1.00%	07.11.2013 - 07.11.2020	0.00	30'000.00
Total activas			77'157.66	95'284.50

Passivas				
Capital agen			95'284.50	98'846.99
Sperdita			18'126.84	3'562.49
Total passivas			77'157.66	95'284.50

Moviment dalla facultad				
Facultad ils 31.12.2019			95'284.50	98'846.99
Facultad ils 31.12.2020			77'157.66	95'284.50
Sperdita/gudogn			-18'126.84	-3'562.49

Mustér, ils 8 da schaner 2021
ugau baselgia
Romeo Schmed

Quen dalla baselgia s. Bistgaun e s. Roc Segnas 2020

Expensas	31-12-20	31-12-19
Uorden per survetsch divin	1'222.25	
Embelliment dalla baselgia	787.55	1'112.20
Assicuranza da baghetgs	702.00	698.55
Assicuranza d'inventari	554.10	554.10
Forza electrica (scaldament)	1'418.60	1'065.40
Energia per glisch ed installaziuns	556.70	705.25
Servis d'orgla e tuchiez	441.00	1'020.50
Diversas reparaturas	4'001.85	296.70
Taxas da rumians, canalisaziun, aua, polizia da fug	528.60	528.60
Spesas da banca, porti	28.85	12.00
Meglieraziun funsila Mustér		25.00
Uniun da calusters	55.00	55.00
Diversa		498.30
Total expensas	10'296.50	6'571.60
Entradas		
Unfrendas	2'938.71	4'448.70
Tscheins capital	56.40	52.50
Contribuziun cassa da candeilas	1'065.54	1'123.10
Donaziuns da sepultura	1'930.00	
Total entradas	5'990.65	5'624.30
Total entradas	5'990.65	5'624.30
Total expensas	10'296.50	6'571.60
Surpli expensas	-4'305.85	-947.30

Bilanza per ils 31 da december 2020

Activas	31-12-20	31-12-19
Conto da spargn Banca cantunala	225'483.75	230'291.85
Conto da spargn Banca Raiffeisen	2'531.74	2'029.49
Total activas	228'015.49	232'321.34

Passivas		
Capital agen all'entschatta digl onn	232'321.34	233'268.64
Sperdita/gudogn	-4'305.85	-947.30
Total passivas	228'015.49	232'321.34

Segnas, ils 1 da schaner 2021

ugau caplania

Gion Tenner

Quen dalla baselgia s. Antoni Cavardiras 2020

Expensas	31-12-20	31-12-19
Energia, scaldament, glisch	2'103.95	3'426.50
Assicuranzas	1'485.40	1'480.70
Taxas annualas; aua, rumians	783.05	574.90
Candeilas, devoziunalias	3'085.60	3'183.60
Spesas da banca	21.05	14.35
Manteniment orgla	370.00	330.00
Manteniment tuchiez	301.55	301.55
Manteniment baselgia	3'283.75	89.95
Manteniment paramenta		85.00
Embelliment baselgia	154.70	200.00
Diversas expensas	118.30	70.95
Festividad da Sogn Antoni		617.00
Total expensas	11'707.35	10'374.50
Entradas		
Unfrendas	786.65	742.85
Candeilas	8'129.15	6'278.01
Cassa statua da Sogn Antoni	2'660.70	2'235.30
Tscheins activs	590.95	815.45
Restituziun vischnaunca (electricidad tualetta)	300.00	300.00
Total entradas	12'467.45	10'371.61
Total entradas	12'467.45	10'371.61
Total expensas	11'707.35	10'374.50
Surpli entradas	760.10	-2.89

Bilanza per ils 31 da december 2020

Activas	31-12-20	31-12-19
Conto da spargn	59'164.14	58'229.49
Conto privat	17'416.65	17'247.50
Daner a termin (scadenza 2027)	100'000.00	100'000.00
Daner a termin (scadenza 2023)	60'000.00	60'000.00
Assegn Banca Raiffeisen Cadi	200.00	200.00
Taglia anticipada	186.20	529.90
Total activas	236'966.99	236'206.89

Passivas		
Capital agen	236'206.89	236'209.78
Gudogn/sperdita	760.10	-2.89
Total passivas	236'966.99	236'206.89

Cavardiras, ils 2 da schaner 2021

ugadessa caplania

Alexa Schuoler-Mathiuët

Facultad dils fondos da baselgias e capluttas

	31-12-20	31.12.19
Baselgia parochiala s. Gion Battesta		
Ugau: Romeo Schmed		
Fondo baselgia	77'157.66	95'284.50
Fondo messas fundadas	197'001.64	207'374.64
Baselgia s. Antoni, Cavardiras		
Ugadessa: Alexa Schuoler		
Fondo baselgia	236'966.99	236'206.89
Fondo messas fundadas	31'540.57	30'706.40
Baselgia s. Bistgaun e s. Roc, Segnas		
Ugau: Gion Tenner		
Fondo baselgia	228'015.49	232'321.34
Fondo messas fundadas	63'669.40	62'961.80
Baselgia s. Placi		
Ugau: Romeo Schmed		
Fondo baselgia	34'270.20	33'102.15
Baselgia s. Gada		
Ugau: Romeo Schmed		
Fondo baselgia	320'417.74	319'782.14
Baselgia da Nossadunna, Acletta		
Ugau: Corsin Maissen		
Fondo baselgia	36'417.53	35'585.54
Caplutta Sontgaclau e s. Silvester, Mumpé Tujetsch		
Ugau: Sigisbert Manetsch		
Fondo caplutta	36'992.26	33'588.94
Caplutta s. Valentin e s. Brida, Mumpé Medel		
Ugau: Baseli Jacomet		
Fondo caplutta	26'811.18	21'393.53
Caplutta s. Antieni, Pardomat		
Ugau: Marcel Steger		
Fondo caplutta	16'888.19	17'104.51

	31-12-20	31.12.19
Caplutta s. Leci e s. Bonaventura, Disla		
Ugau: Max Deplazes		
Fondo caplutta	3'406.31	3'227.01
Caplutta s. Giachen e s. Onna, Cuoz		
Ugau: Adrian Deflorin		
Fondo caplutta	31'545.98	30'728.11

Rapport dils revisurs

Ella seduta dils 3 da fevrer 2021 havein nus, tenor incarica digl artechel 28 dalla constituziun dalla Pleiv s. Gions, repassau ils quens ed il menaschi finanziel dalla pervenda, dallas baselgias e dallas capluttas dalla Pleiv s. Gions per igl onn 2020.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris
2. Ils saldis da cassa e contos da banca corrispundan culs attests mussai ora
3. Las vaglias cudischadas ein avon maun
4. Las expensas ein fatgas tenor conclus dalla radunonza generala sin fundament dils preventivs

Las ulteriuras expensas ein vegnidas decididas dalla suprastonza tenor las cumpetenzas dalla constituziun

Sin basa da nossas controllas fagein nus alla radunonza generala las suandontas propostas:

- a) d'approbar la bilanza ed il quen administrativ per ils 31 da december 2020 dalla pervenda, dalla baselgia parochiala s. Gions, dallas caplanias Segnas e Cavardiras e dallas capluttas tenor las cefras presentadas,
- b) da dar scarica alla suprastonza ed als funcziunaris,
- c) d'exprimer in meritau engraziament alla suprastonza , als augsegners ed a tuttas ugadessas/ tuts ugaus per lur nunstunclenteivel engaschi.

Disentis/Mustér, ils 3 da fevrer 2021

Ils revisurs:

Claudius Berther

Pirmin Monn

Il Cussegl pastoral enquera adina puspei persunas ch'ein prontas da segidar e s'engaschar per nossa pleiv. Interessentas ed interessents san s'annunziar tier il secretariat da nossa pleiv. Nus selegrein da mintga maun che segida cun nus.

Preventiv dalla pervenda per 2021

Expensas	2021	Quen 2020
Salaris pleiv Mustér	264'100.00	254'562.00
Salaris augsegners	89'000.00	80'904.00
Salaris persunal gidonter	71'400.00	80'196.00
Substituziuns	3'000.00	1'050.00
Giuventetgna Cadi	13'500.00	13'367.40
Contribuziun per ductrina	45'000.00	41'401.70
Fotocopias scola Mustér	1'000.00	606.60
SVS assicuranza sociala	14'000.00	13'332.45
Indemnisaziun suprastonza	11'000.00	9'830.00
Segiradas d'accident e malsogna	3'000.00	2'543.45
Cassa da pensiun	9'000.00	8'930.40
Indeminaziun da viadis	4'200.00	2'400.00
Contribuziuns	20'000.00	22'100.00
Diversas contribuziuns	6'000.00	10'100.00
Baselgia S. Gions	8'000.00	8'000.00
Contribuziun al cussegl pastoral	4'000.00	4'000.00
Contribuziuns instituziuns culturalas	2'000.00	
Casa pervenda/schischom	25'550.00	72'427.90
Manteniment casa pervenda	15'000.00	350.00
Mobiliar ed indrez	1'000.00	
Taxas annualas	1'500.00	1'295.25
Manteniment indrez	2'000.00	1'720.25
Electricidad casa pervenda	1'000.00	604.40
Ieli casa pervenda	4'000.00	2'486.50
Segiradas casa pervenda	1'000.00	924.60
Segiradas e cuosts schischom	50.00	46.90
Renovaziun externa casa pervenda		65'000.00
Caplania Segnas	27'400.00	24'593.00
Salaris persunal gidonter	22'000.00	22'192.30
Diversas taxas annualas	800.00	751.45
Segiradas casa pervenda	700.00	657.50
SVS assicuranza sociala	800.00	787.15
Segirada d'accident e malsogna	100.00	84.60
Manteniment casa pervenda	3'000.00	120.00
Caplania Cavardiras	16'050.00	14'892.50
Salaris persunal gidonter	11'000.00	10'034.15
Diversas taxas annualas	700.00	648.60
Segirada casa pervenda	250.00	211.55
SVS assicuranza sociala	100.00	61.95
Segirada d'accident e malsogna	50.00	62.00

Expensas	2021	Quen 2020
Manteniment casa pervenda	3'000.00	
Electricidad e manteniment tualetta	500.00	
Taxa da hospis e taxa da turissem	450.00	428.00
Taxas da colligiazion alla serenera		3'446.25
Diversa	23'400.00	15'968.19
Material da biro	1'500.00	1'039.05
Apparaturas da biro	1'500.00	958.00
Indrez da fotocopiar	1'500.00	1'464.65
Access internet	1'500.00	1'226.75
Spesas da banca	200.00	141.78
Telefon	1'000.00	650.00
Francaturas, porto	1'000.00	565.80
Divers regals / occurrenz	4'000.00	2'992.00
Donaziuns	2'000.00	
Rapport annual	2'800.00	2'688.00
Archiv	1'000.00	711.00
Radunonza generala	2'000.00	240.00
Diversas expensas	3'000.00	1'115.10
Taxas radio e televisiun	400.00	78.00
Mantenimnet baselgia Sogn Placi		2'342.30
Via Sogn Gions perimeter		-244.24
Total expensas	376'500.00	404'543.59
Entradas		
Taglias / contribuziuns	371'200.00	404'425.40
Taglia pleiv	280'000.00	309'551.15
Cantun Grischun taglia alla fontauna	30'000.00	30'655.25
Baselgia catolica dil cantun Grischun	60'000.00	64'219.00
Pleiv Medel per ductrina	1'200.00	
Tscheins	2'180.00	2'826.70
Tscheins activs	50.00	229.00
Tscheins casa pervenda Cavardiras	1'380.00	1'750.00
Tscheins schischom	650.00	638.00
Diversas entradas	100.00	209.70
Total entradas	373'380.00	407'252.10
Total entradas	373'380.00	407'252.10
Total expensas	376'500.00	404'543.59
Surpli expensas	3'120.00	2'708.51

Mustér, ils 6 da fevrer 2021

ugau pervenda

Willi Lozza

Preventiv dalla baselgia parochiala s. Gions per 2021

Expensas	2021	Quen 2020
Uorden per il survetsch divin	2'500.00	1'690.90
Embelliment dalla baselgia parochiala	5'000.00	540.00
Assicuranza da baghetgs, inventar e responsabilidad	5'500.00	5'408.60
Energia, scaldament e glisch	7'500.00	8'186.10
Publicaziuns, cudischs	1'500.00	1'513.95
Abonnaments per manteniment d'apparaturas	1'000.00	482.15
Honorar ordinatur	2'000.00	1'920.00
Contribuziun chor baselgia	2'000.00	2'000.00
Taxas da rumien, canalisaziun, aua e fiug	2'200.00	1'524.25
Reparaturas e manteniment	5'000.00	17'354.80
Tscheins per il local ella casa Sut Gliendas	3'000.00	3'000.00
Contribuziun ministrants	500.00	113.05
Diversas expensas	300.00	242.55
Total expensas	38'000.00	43'976.35
Entradas		
Unfrendas	10'000.00	6'236.85
Donaziuns	500.00	189.30
Contribuziun pleiv s. Gions	8'000.00	8'000.00
Fondo messas fundadas	10'000.00	10'000.00
Tscheins dretg alp Cristallina	250.00	250.00
Diever baselgia, concerts etc.	300.00	0.00
Tscheins da capital	450.00	782.85
Restituziun taglia anticipada	300.00	315.00
Diversas entradas	200.00	75.51
Total entradas	30'000.00	25'849.51
Total entradas 2021	30'000.00	25'849.51
Total expensas 2021	38'000.00	43'976.35
Surpli expensas 2021	-8'000.00	-18'126.84

Mustér, ils 13 da november 2020
 ugau baselgia
 Romeo Schmed

Fixaziun dil pei da taglia per 2022

La suprastonza dalla Pleiv s. Gions ed ils revisurs da quen proponan alla radunonza generala dalla Pleiv s. Gions/Mustér da fixar il pei da taglia sco suonda:

Per igl onn 2021 duei il pei da taglia restar sco per 2022 sin 12% digl importo dalla taglia semplia dil cantun.

Officials dalla Pleiv s. Gions

1.	Suprastonza	
	Tuor Aldo, president	
	sur Mathew Kurian, plevon administratur (ex off.)	
	Tenner Gion, vicepresidente ed ugau baselgia Segnas	
	Lozza Willi, ugau pervenda	
	Schmed Romeo, ugau baselgia s. Gions	
	Schuoler Alexa, ugadessa baselgia Cavardiras	
2.	Revisurs da quen	
	Berther Claudius	
	Monn Pirmin	
3.	Ugaus caplutta	
	Acletta	Maissen Corsin
	Cuoz	Deflorin Adrian
	Disla	Deplazes Max
	Madernal	Claustra Mustér
	Mumpé Medel	Jacomet Baseli
	Mumpé Tujetsch	Manetsch Sigisbert
	Pardomat	Steger Marcel
	Sogn Placi	Schmed Romeo
	Sontga Catrina	Condrau Giusep
	Sontga Gada	Schmed Romeo
4.	Commembers dil cussegj pastoral	
	sur Kurian Mathew (ex off.)	
	Bisquolm Nanetta	
	Buschor Josef	
	Caduff-Kneidinger Giusep	
	Huonder-Schönenberger Irene, cassiera	
	Lutz Baseli	
	Zanin Jolanda	

Register

Invitaziun alla radunonza generala dalla Pleiv s. Gions/Mustér	1
Protocol	2
Rapport dil president	9
Rapport dalla grupp „Salid dil Segner“	15
Quen dalla pervenda s. Gions per 2020	17
Bilanza	19
Quen dalla baselgia parochiala s. Gions 2020	20
Bilanza	21
Quen dalla baselgia s. Bistgaun e s. Roc Segnas 2020	22
Bilanza	23
Quen dalla baselgia s. Antoni Cavardiras 2020	24
Bilanza	25
Facultad dils fondos da baselgias e capluttas	26
Rapport dils revisurs	28
Preventiv dalla pervenda per 2021	29
Preventiv dalla baselgia parochiala s. Gions per 2021	31
Fixaziun dil pei da taglia per 2022	32
Officials dalla Pleiv s. Gions	32

www.pleivdisentis.ch

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nosssa pleiv

Durant il temps cun restricziuns per visitar ils survetschs divins emettin nus silla medema pagina era las messas celebradas da nies plevon. Vus anfleis quellas era sin Youtube ni Facebook. Tgi che posseda ina televisiun colligiada cugl internet, sa mirar ils survetschs divins sin quella cun la app da Youtube en aulta qualitat da HD.

Adressa youtube.com: encurir – Pleiv Mustér

Adressa facebook.com: pleivdisentis



P.P.

CH-7180

Disentis/Mustér